



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno Christi 888. Usque Ad Annum 1000

Fleury, Claude

August. Vind. [u.a.], 1761

VD18 90117921

§. 38. Adalberto II. Episcopus Metensis.

[urn:nbn:de:hbz:466:1-66313](https://nbn-resolving.org/urn:nbn:de:hbz:466:1-66313)

Archiepiscopus Remensis, & Arnulphus ^{Sæculum X.}
in carcere Aurelianensi captivus fuit. (*) A. C. 995.

§. XXXVIII.

Adalbero II. Episcopus Metensis.

Illa tempestate Ecclesiæ Metensi Episcopus præerat Adalbero II. ex Friderico Duce Lotharingæ & Beatrice Regis Hugonis Capeti sorore genitus. Pro eo, in Abbazia Gorziensi primis literis imbuto, Episcopo Theodorico fatis functo, Beatrix mater Episcopatum Metensem ab Imperatrice Adelheide, cum Otto III. ^{vit. Bibl. Labb. to. I. p. 670. Mabill. Sæc. 6. Ben. p. 29.}
mino-

(*) In Actis Concil. Concilio huic Remensi apponitur annus 995. non vero, ut ex Fleurio sequitur annus 998. In margine tamen addita est Adnotatio Patris Grabrielis Cossartii S. J. in hæc verba: *Persuasit sibi Baronius, quem Binus, ut in omnibus solet, secutus est, tantam fuisse Hugonis Regis erga Rom. Pont. reverentiam, ut obsecutus sit huic posteriori Remensi Synodo, eductumque de carcere Arnulphum restituerit: quamquam ipsum ut germen Carolinæ Stirpis, sibi adversantem expertus esset. Hunc in errorem inductus est ab Aymoini continuatore at restitutum Arnulphum non fuisse, neque Aurelianensi e carcere eductum, nisi annis post Leonis Legationem ac Synodum tribus, jam functo Hugone Rege, Roberto solo regnante, Gregorio V. Pontifice, discimus ex Aymoino in libro de vita S. Abbonis &c.*

Sæculum X. minorennis esset, obtinuit. Electus est
A. C. 995. ergo Adalbero decima sexta Octobr. an-
 no nongentesimo octogesimo quarto, &
 die Dominica vigesima octava Dec. in
 Festo Innocentium ab Ecberto Archiepi-
 scopo Trevirensi consecratus, omnibus
 hominum ordinibus, etiam Judæis, ca-
 rissimus. Monachos affectu tenerrimo
 & singulari complectebatur, unde sæcu-
 laribus conquerendi occasio nata, quod
 soli monachi totum Episcopi pectus oc-
 cuparent. Monasterium S. Symphoria-
 ni & quædam alia, item Hospitium Me-
 tense, in quod Virgines Religiosas immi-
 sit, restauravit.

Adalbero Romam profectus, sedente
 Joanne XV. ab eo honorifice exceptus
 est. Missam celebrans aut Sacra Sacra-
 menta administrans semper sub pretiosis
 vestibis cilicium gerebat. In Vigiliis so-
 lemnium Festorum nihil cibi sumebat,
 Quadragesimam in Monachorum con-
 sortio ut plurimum in Monasterio Gor-
 zienti transigebat, cuius loci disciplina &
 tranquillitate mire delectabatur. In eo
 autem maxime singularis charitas eni-
 tuit, cum sæpe una die pauperes centum
 ardenti ulcere, communi illo tempore in
 Burgundia peste, afflictos suis manibus
 lavit, fovitque.

In quodam Concilio, sub initium Re-
 gni S. Henrici habito, Conradum Ducem
 Auftra-

Austrasiæ propinquum suum intrepide de- Sæculum X.
tulit, quod feminam, quam proxima agna- A. C. 995.
tione contingebat, duxisset, spreuitque
periculum, cui exponebatur, potentem
Principem offendens. Raptores Bonorum
Ecclesiæ aut pauperum strenue perseque-
batur, & Censuras Ecclesiasticas conte-
mptes arrepto gladio sæculari castiga-
bat, eorum agros vastabat, Arcesque di-
ruebat. (*) Presbyterorum filios, ubi
aliunde dignos judicabat, dissimulato na-
tali probro ordinabat. Creavit au-
tem Presbyteros ultra mille, Clericis in-
ferioribus non numeratis. Postquam
hac ratione Ecclesiam Metensem annis
plusquam viginti rexisset, obiit decima
quinta Dec. anno 1005. & in Ecclesia S.
Symphoriani sepultus est.

§. XXXIX.

*S. Bernwardus Episcopus Hildeshei-
mensis.*

In Saxonia, Gerdago Episcopo Hildes- vit. n. 6.
heimensi fati functo, Bernwardus, Art. SS.
Regis Ottonis III. præceptor communi Ben. Sæc. 6.
omnium consensu Successor eligitur, & p. 204.
com-

(*) Omnino coercendi sunt Censuræ Eccle-
siasticæ contemptores; non autem Episcopi sed
Principis gladio. Unde Adalberonis zelus ad-
versabatur mansuetudini Ecclesiæ, quæ gladio
sæculari non utitur.